

謝氏源流總匯

第一分冊

公元二〇〇一年歲次辛巳

謝氏源流總匯

第一分冊

謝德成 主編

編委名單

主編：謝德成

副主編：謝宗楷

謝榮勝（江西尋烏石田心）

編委：
（排名不分先后）

謝廷山（江西尋烏澄江謝屋）

謝綱志（江西上猶寺下珍珠）

謝炳有（江西會昌周田中桂）

謝興恒（江西會昌周田中桂）

謝鳳松（廣東平遠差干（旅臺））

謝世星（廣東樂昌沙坪長坪）

謝世祥（廣東樂昌坪石靈石壩）

謝景城（廣東樂昌大源小灘上山）

謝助錦（廣東韶關乳源武豐）

謝觀來（廣東韶關樂城西聯）

謝紅山（湖南宜章天塘石灰冲）

謝傳飛（湖南宜章東風白臘冲）

謝永鐸（湖南宜章白沙自生）

謝添德（福建永定古竹大坪山）

謝錦河（福建永定龍門大畲謝屋）

謝道明（福建永定陳東嶺頭謝屋）

謝國新（福建永定高陂睦鄰山前）

謝忠漢（福建永定洋堡謝屋）

謝清華（福建永定香溪謝屋）

謝來生（福建上杭湖洋）

前言

申伯七十二世琚公是申伯三十八世據公后裔，琚公生有五子，裔孫分居福建、廣東、江西、湖南、臺灣等省各城鄉。編者爲了海內外各房宗親方便尋根探祖和加強各房宗親之間經濟文化科技的交流，爲祖國統一作出一點貢獻而着手編纂本譜，這是其一；其次是因過去客觀歷史條件所限，交通不便，造成彼此經濟文化相互閉塞，加上歷次修譜者對族史、祖先名諱、遷徙等不作認真的考究，甚至認爲自己的老譜史料白紙黑字寫得清清楚楚、不容更改，然後就在舊譜上加上后裔名諱就了事，依樣畫葫蘆。對歷史上確實記錯了的祖先名諱、遷徙，或誤將別房上祖認爲本房祖先，或上下輩顛倒，或各房同名祖與本房同名祖合二爲一，或修譜者本身對族史只知一二，對確實錯了的祖先名諱、遷徙不敢指出，莫然置之等等，結果新譜與老譜依然如故，一代傳一代，久而久之，以訛傳訛，積久成真，積非成是，致使族中混雜而不清。這樣的情況永定、武平、連城譜有，江西尋烏吉潭滋溪、興國十數縣聯宗譜、吉南贛寧合修譜有；其三，亦確實

有些地方的宗親不知自己的祖先是誰屬何支脈的，如江西尋烏吉潭滋溪四修譜，一譜二世系：一是據公系、一是安公系，而且還是亂七八糟的。爲正本清源，還歷史本來面目，正是編者編纂本譜的目的所在。

但是終因年代久遠、史料來源有限，加上編者水平限制，錯誤在所難免，祈閱者多加批評指正，以便在再版時予以補充修訂，以臻更加完善。

本世系譜始自申伯七十二世琚公，作爲《謝氏源流總匯》第一分冊刊印。因此，欲知申伯七十一世宗賀公以前的世系，請翻閱《謝氏源流總匯》。謝謝。

時

公元二〇〇一年四月

申伯九十六代、東山六十一代、琚公二十五代、楓尾十九代 謝德成謹記

謝氏嵩生嶽降源遠流長譜序

三代之前，姓氏有別。《左傳》：「天子建德，因生而賜姓，胙土而命之氏。諸侯以字爲諡，因以爲族。官有世功，則有官族，邑亦如之。」姓所以別婚姻，統其祖考之所由出；氏所以紀功德，明貴賤，別其子孫之所自分。溯我謝氏之先，系出上古聖君炎帝神農，少典氏子。母爲有嬌氏女登，生帝於烈山石室，名石年。長於姜水，遂以水名爲姜姓。有聖德，因天時相地宜，制耒耜教民樹藝五穀，人尊之爲神農。後以火德繼伏羲而王天下，故號炎帝。因帝肇迹自烈山，又號烈山氏。復衍太昊之連山易，或號連山氏。初都於陳，別營曲阜，在位一百二十年，崩於長沙，葬茶鄉曰茶陵，今湖南酃縣炎陵山有炎帝陵是也。帝納奔水氏女，生十三子：柱爲佐。歷傳帝慶甲……帝臨、帝承、帝魁、帝明、帝宣、帝厘、帝居、帝節莖、帝克，而及於帝參盧榆罔。傳世十七，史家則謂八葉，凡五百二十載或謂五四〇年。黃帝師封鉅、司徒祝庸；高陽帝后土句龍；堯帝共工垂；舜帝時典三禮之秩宗伯夷……傳俱爲帝之裔胄。伯夷有子爲泰嶽，封於呂；餘嗣亦分

列諸侯，若申、許……等國是也。第以唐、虞、夏、商之世，年代悠邈，墳典失載，帝裔之系世封年已茫不可考！或有所謂上世傳譜者，實多穿鑿附會，荒誕不可取信。降及西周，泰嶽苗裔申伯，宣王姬靖之母舅也，佚其名，其先封申，伯爵。以與征伐有翼亮功，宣王七年庚辰（公元前八二一年）出爲州牧，別封于謝（今河南唐河縣南謝家莊）以藩屏周室南疆。王使召穆公虎爲闢建謝城，復親餞之于郕。卿士尹吉甫亦作詩嵩高紀其盛事以贈申伯。有句曰：『亶亶申伯，王續之事，于邑于謝，南國是式。王之元舅，文武是憲，揉此萬邦，聞于四國。』全文見《詩經·大雅》蕩之什。後一百三十餘年之周莊王九年（公元前六八八年）楚文王熊貲滅申，謝并入楚。申伯支孫有別以封國爲氏者，乃奉申伯爲謝氏開姓大始祖。秦王嬴政之前，謝氏隱微不彰，經史殊少紀載。有《左傳》昭七年魯之謝息，爲孟孫貜家臣。及《呂氏春秋》去宥篇有欲西入秦說惠王之山東墨者謝子。至兩漢、三國，族始浸盛，人物散見於史書。若中郎將章鄉侯謝殷、前輝光郡守謝囂、牂牁郡功曹謝暹、尚書令南陽謝躬、公孫述司徒謝豐、儒林九江謝曼卿、侍中謝暉、平鄉侯下邳謝安、清河王

相謝暘、郎中令東郡謝弼、豫章從事召陵謝甄、議郎章陵謝該、召陵謝子微、少府謝奐、徐州令會稽謝夷、會稽謝贊、吳建昌長會稽謝貞、吳處士會稽謝譚、吳武陵太守會稽謝承、吳建武將軍會稽謝淵、吳豫章太守會稽謝斐、吳揚威將軍會稽謝崇、吳吳郡太守謝勛、吳黃門侍郎會稽謝肱、吳將軍謝旌、吳孫奮傅相彭城謝慈、吳豫章太守南陽謝景、魏曹芳將軍謝順……悉當世彥也，不一列舉。要言之，我謝氏始見春秋而盛於漢晉六朝之後。晉武帝太康中，有魏典農中郎將陳國陽夏（河南太康縣）人謝纘之子謝衡，徙寓會稽始寧（上虞縣）東山，是爲會稽東山謝氏祖。衡字衡再，長於禮學，以儒素顯，仕晉至國子祭酒；有三子鯤、裒、廣。鯤字幼興，以從王敦討杜弢功封咸亭侯，仕至豫章太守卒，謚康。子尚，字仁祖，豫州刺史，拜尚書僕射，鎮西將軍都督豫、揚、冀、幽、并等州軍事，卒官，謚簡。裒公字幼裒，一字幼儒。官太常卿，與伐後趙有功，封福祿伯，歷吏部尚書、吳國內史。有六子曰奕、據、安、萬石、鐵。長子奕，字奕石，一字母奕，仕至安西將軍豫州刺史持節都督豫、司、冀、并四州軍事。有子泉、攸、靖、瑜、康、玄。玄字幼度，有經國才略，歷

官兗州刺史領廣陵相、徐州刺史。以淮淝破苻堅，都督徐、兗、青、司、冀、幽、并七州軍事，功封康樂縣公，轉授散騎常侍，會稽內史，卒，官，謚獻武。哀公次子據，字據石，又字玄道，爲大將軍王敦長史，有二子朗、允。朗字長度，官終東陽太守。允字令度，仕至宣城內史。哀公第三子公，字安石，仕最顯。太元八年以中書監錄尚書總統御敵擊破苻秦功，進拜太保，封建昌縣公。都督揚、江、荆、司、豫、徐、兗、青、冀、幽、并、寧、益、雍、涼十五州軍事，出鎮廣陵，卒，贈太傅，謚文靖，更封廬陵郡公。二子瑤、琰。瑤字仁度，襲廬陵郡公爵。琰字瑗度，以從破苻堅功封望蔡公，拜尚書右僕射，衛將軍，會稽內史，死於孫恩之亂，贈司空，謚忠肅。哀公第四子萬，字萬石，西中郎將豫州刺史。子韶，字穆度，爲車騎司馬。哀公第五子石，字石奴，歷官尚書僕射。以淮淝功遷尚書令，封南康郡公，終散騎常侍，卒，謚襄。有子敷、汪。敷字慶度，辟主簿博士不就。汪襲爵南康郡公。哀公第六子鐵，字鐵石，永嘉太守。有子邈、冲。邈字茂度，吳興太守。冲字秀度，中書侍郎。……一時文武衣冠，璀璨南朝；芝蘭玉樹，揚名江左。千餘年來，我謝氏列祖列宗；先賢先哲，

歷六朝而唐、宋、元、明、清，或明經取仕；或隱德藏行；或以義潔文名顯；或以忠節事功稱。以宦游以避世輾轉播遷，宗支衍遍宇內，如瓜瓞之綿延。

宋季，有據公第三十五世孫琚公，世居浙江錢塘，第進士，授朝議大夫，出知福建邵武府。清正抚民，

為邵人愛戴，留，遂家建甯黃基堡，置業著籍，是為本支福建始祖。配妣吳氏，生五子曰九聰、九明、九睿、

九智、九思。長子九聰字式聞，諱伯聰，遷汀州武平，妣胡氏，生子太寶。太寶亦書作大寶，號璞庵，字國珍，

又諱蕙寶，榮祿大夫，汀州府正堂。宋亡，與父自邵武太平里徙隱武平。妣周氏生二子：永茂、成茂。繼林

氏一娘，誥命夫人，生一子孔茂。長子永茂，號樂國，居武平城南，妣劉氏生子覲受。覲受諱恢緒，字例卿，

配林氏、鄭氏。有五子：耀新、輝新、煌新、燦新、煥新，後裔衍傳贛南尋鄔、安遠、寧都、興國、會昌、瑞金、

南康……，粵省高州、惠州、龍川、興寧、羅浮司、平遠、差干……，福建之武平、龍岩……，暨川、湘、桂諸省

縣。太寶公次子成茂號樂粵，名六四郎，生當元大德末，明鄉飲大寶。初居武邑城南，徙上畚，再遷上杭城

西湖洋堡。有三妣，配王氏生子觀福，諱壬郎，守業湖洋，子孫衍傳永定及廣東翁源、江西贛南……等地。

繼卓氏生子觀祿、觀受。又妣池氏無出。次觀祿子嗣失載不悉。少子觀受，又作官受，號恢野，字則紳。于

明洪武十七年（公元一三八四年）甲子歲奉父母來粵，入墾潮州府程鄉縣義化都差干堡，是即今之平遠縣

差干鄉。廣關四境，承佃田山奄有江西尋鄔縣之芋園、葱坑、大鐘……。福建武平之九高、伯公坳、黃竹寨、

三溪、羅庚圈、牛牯頸、長岡岌、排腦岌、沙子溜、下壩……。本邑東石、鎌子屈、村頭壩、田坑、大塘里、老

好、尚舉、下畲、烏柘溪。仁居鄉之南坑里、烏石岡、咸水塘、牛牯石。鄒方鄉之石坳、楠機寨、野湖、黃竹

峰。差干本堡自松山下流水至老虎戰止、縱橫廣袤達六十餘里，立牌曰「永貴」戶。配妣嚴氏、葉氏、賴氏、

鐘氏，有七子曰日新、永新、任新、廷新、仁新、明新、景新稱七大房。尊奉成茂樂粵公爲平遠差干謝氏開基

始祖，合族建祠於上坊村以祀。歷明、清而迄今世，七大房奕葉熙隆，丁口昌熾。六百年間，多有父子舉家

或兄弟相率散遷他州府縣另創新猷者。經稽舊譜之遷移錄，概有江西贛州府之贛縣、安遠、長寧、雩都、興

國、會昌；寧都州之瑞金；袁州府之袁州、萬載、萍鄉；瑞州府之上高；吉安府之吉水、吉安、廬陵、萬安、龍泉、安福、永豐、泰和；南昌府之奉新、銅鼓；南安府之上猶；廣信府之玉山、上饒；臨江府之新喻；寧州（武甯州）……。福建有漳州之漳浦、漳州；邵武府之建甯；汀州之武平、上杭；建甯府之建陽、歐寧、政和、松溪；延平府之沙縣、延平；泉州南安；福州……。四川有潼州之三臺、中江；重慶府之江津、巴縣；成都府之成都、彭縣；叙州宜賓；資州之資中、仁壽；忠州梁山；夔州大寧；保寧府之昭化；綏定府之太平；雅州雅安；建昌府之西昌；西陽州之秀山；龍安府之江油；眉州……。廣東有惠州之惠陽、河源、歸善、長寧、海豐；肇慶府之陽江、開平、恩平；廣州府之廣州、香山、花縣、增城、龍門；高州；欽州；韶州與潮州……。廣西有梧州容縣；柳州之雒容、柳城；桂林府之桂林、永福、永寧；潯州府之桂平；平樂之荔縣；鬱林州……。湖南有長沙府之瀏陽、茶陵；常德府之武陵……。陝西有西安府之西安、寧陝；漢中府之洋縣；興安府之紫陽、安康；鳳翔府之岐山……。浙江有處州之青田；衢州之龍游、紹興

府之新昌；溫州……。江蘇有江寧府之六合；鎮江金壇；南京……。山西太原府；山東德州衛；河北順天府之大興；北京；安徽廣德州；貴州貴陽；湖北鄖陽府之竹谿、施南府之恩施；甘肅、臺灣……。凡十數行省，更有遠僑海外之星、馬、菲、泰等異國殊邦者。成茂公諸子中亦當數差干一支最爲繁盛，衍傳最廣。太寶公三子孔茂，號樂寶字容齋，諱洪，又字一郎。由邵武府太平里遷武平城南，嘗爲廣西慶遠府推官，避元回籍，徙捍壁地買陂頭坑。配妣鐘氏及劉宜人，有五子曰伯一郎、伯二郎、伯三郎、伯四郎、伯五郎。後裔散居於武邑城廂、萬安、黃坊、半坑、檀樹嶺、龜湖、長居、中山、十方、高梧、葉坑、和尚地、東團、分水、處明、上赤、黃溪、東留、岩前、象洞……。及上杭縣境。亦有外遷往江西尋鄔之吉潭、滋溪、烏鴉泊及廣東鄰近者。琚公次子九明，又名九寧，或謂伯寧。配妣邱氏，生一子大宦。大宦有書作大官，配何氏，生一子紫茂。紫茂號樂善，字榮山，隨觀受公遷差干關壑，承佃二十餘里田山，建牌號「孔興」戶，妣楊氏、池氏，有二子：汶昌、汶端。長子汶昌號輝宇，配賴氏、何氏，有四子：惟政、惟顯、惟敏、惟忠。次汶端，配陳

氏亦生四子曰惟俊、惟倫、惟儉、惟賢。子孫外遷高州電白、江西贛州等地，居平遠差干本籍者無多；僅有扶陽牙石背、杉坑、南樓、軍岌上、八字岌……數處。琚公少子九思，又名九嶷、伯嶷。自汀州寧化石壁移上杭高陂大塘坳，明成化十四年（一四七八）析上杭設永定縣，高陂屬之。是乃大塘坳開基祖，妣賴氏、鄭氏，有子：念一、念二、念三。念一諱永賓，以避元亂由贛南瑞金塘背屢遷尋鄔澄江謝屋。有四子：仕召、仕忠、仕敬、仕德。裔嗣散遷零都、興國、瑞金、安遠、贛縣、萬載、吉安及四川、廣東潮州……等地。次念二諱永仲，又名蕙士。妣呂氏、繼簡氏，生子伯三郎、丙郎。伯三郎諱復茂，號子華，妣陳氏、繼溫氏，有六子曰昂尊（諱千一郎，字懋一）、昂元（諱千二，字懋二）、昂亨（諱千三，字懋三）、昂利（諱千四，字懋四）、昂貞（諱千五，字懋五）、昂吉（諱千六，字懋六）。千四郎昂利，配黃氏。生子五曰均田、均海、均得、均美、均蘭。裔嗣衍傳永定本籍及廣東程鄉、平遠、江西贛縣……等地。

鳳松少小便喜翻閱藏譜而頗識一族來由，每隨先君子祭祀，謹記崇功報本慎終追遠之訓。嗣後於一

九四九年己丑夏間以征役流離，浪迹浙閩海上，萍寄臺灣。歲月不居，由少不便事至今之兩鬢盈霜，視昏齒落。因感兩岸兵戎，海峽阻絕，鄉音不達，慮及年深歲久或致數典忘祖，乃私撰《謝氏一家志》示兒女使明水源木本之所自。旋承旅臺梓叔之命益增爲《廣東平遠差干謝氏志》，并合閩粵旅臺宗親鑄制成茂樂粵公神主、進拓臺北陽明山嶺頭謝氏宗祠，永享千秋血食。及悉鄉中祖廟破敗，宅兆荒頽，復與寓臺廿餘家叔侄節衣縮食醵資支援重修。使祖靈享祀有所，佳城能安者，或可稍申謝氏子孫雖身系海外，猶切系父母之邦不忘祖澤歟！前數年臺灣開放探親，愚得以同沾雨露，乞假還鄉奔喪。雖悲天倫夢碎，仍難掩與同胞姐弟白頭重聚恍如隔世之喜慰情懷。有見吾鄉差干與上杭湖洋同尊成茂樂粵公爲開基始祖，而兩地宗親間絕少過從，致修譜不相告，薦祭不相聞，慶吊不相通，雖近如比鄰而不啻遠若秦越。爲使不因世遠而親盡情疏，亟思有以統合，爰不自揣愚魯謏陋，就客中歷年輯錄之粵、閩、湘、贛諸地宗譜，異中求同，制作東山三世祖據公傳下琚公一派之世系，予暫名《閩西粵東贛南謝氏琚公一派聯宗譜》以期聯疏族收散宗。譜

既成，伯仲叔季各分派昭穆相承，井然易辨；前代之德業徽猷可常接於後昆耳目之間。願佳子弟能見賢思齊，繩其祖武，則謝氏光輝歷久彌新，永世弗替矣！惟各地朱明以前舊譜盡毀於天災人禍，善本難求。今世族譜什九俱修建於清代或民國，因傳聞舛辭，口手轉述，字誤省文，失序脫漏重複等訛謬不一。致本聯譜之作不免沿襲故轍，尚須繼續考證。離人垂暮矣！宗族述作之事，寄望於後起鳳毛。贊曰：嵩生嶽降，天錫禎祥。謝仍舊族，祚胤永昌。附詩敬懷宗廟鄉梓，彰顯祖烈家聲。

神農聖德庶支蕃，渭水飛熊兆輔元；胙土宣王分謝邑，南邦申伯作周藩。行包九德謝夷吾，漢室薨梁伊呂徒；處士居貞甘澹泊，神龍潛迹隱三吳。司馬相殘晉室微，洛陽帝子服青衣；臣心不二隨君渡，野火春風多播移。百萬胡鞭足斷流，江南深鎖廟廊憂；救亡不避委蘭玉，淝水狼烟顧指收。人事怎如天意堅？麻衣東向哭時艱；一門忠節全禮義，風骨嶙峋謝疊山。望出陳留盛會稽，風流江左仰清徽；東山靈秀多蘭玉，邵武分傳又一支。間關華露避紅羊，天付汀州作梓桑；壑遍武杭唯樂粵，差干福地卜其昌。朱明

連盡逼胡夷，一旅平陽樹義旗；欲挽狂瀾存半壁，拼將血肉濺塵泥。黎坊富子古通衢，祖廟巍峨謝氏墟；竹籟松濤盈碧野，兩行綠水繞村裾。差干鄉是謝家鄉，孝義聲孚姓氏香；豹隱鷹揚繩祖武，蘭孫茁秀接前芳。六百春秋啓粵基，鐘靈毓秀美名馳；吾家寶樹根深厚，祚胤綿昌無盡期。

成茂樂粵公第十八世孫鳳松質君撰于臺灣臺南永康

二〇〇〇年十月修正

(摘自《閩西粵東贛南謝氏瑤公一脈聯宗譜譜序》)